

OFFERYNNAU STATUDOL CYMRU

**2012 No. 2705**

**Rheoliadau Deunyddiau ac Eitemau  
mewn Cysylltiad â Bwyd (Cymru) 2012**

**RHAN 5**

**Y Gofynion ar gyfer Caen Cellwlos Atgynrchiedig**

**Dehongli'r Rhan hon**

11.—(1) Yn y Rhan hon—

- (a) ystyr “caen cellwlos atgynrchiedig” (“*regenerated cellulose film*”) yw deunydd haenen denau a gafwyd o gellwlos a goethwyd sy'n deillio o bren neu gotwm nas ailgylchwyd, gydag ychwanegiad o sylweddau addas neu beidio, naill ai yn y mäs neu ar un arwyneb neu'r ddau arwyneb, ond nad yw'n cynnwys casinau synthetig o gellwlos atgynrchiedig;
- (b) ystyr “*CCAH*” (“*URCF*”) yw caen cellwlos atgynrchiedig heb araen;
- (c) ystyr “*CCAG*” (“*CRCF*”) yw caen cellwlos atgynrchiedig gydag araen sy'n deillio o gellwlos; a
- (d) ystyr “*CCAP*” (“*PRCF*”) yw caen cellwlos atgynrchiedig gydag araen sydd wedi ei chyfansoddi o blastigion.

(2) Mae'r Rhan hon yn gymwys i gaen cellwlos atgynrchiedig—

- (a) sydd ynddo'i hun yn ffurfio cynnyrch gorffenedig; neu
- (b) sy'n rhan o gynnyrch gorffenedig sy'n cynnwys deunyddiau eraill,

ac y bwriedir iddo ddod i gysylltiad â bwyd, neu sydd, drwy gael ei ddefnyddio at y diben hwnnw, yn dod i gysylltiad â bwyd.

<sup>F1</sup>(3) .....

**Diwygiadau Testunol**

**F1** [Rhl. 11\(3\)](#) wedi ei hepgor (31.12.2022) yn rhinwedd [Rheoliadau Bwyd a Bwyd Anifeiliaid \(Diwygiadau Amrywiol\) \(Cymru\) \(Ymadael â'r UE\) 2022 \(O.S. 2022/1362\)](#), rhlau. 1, **2(3)**

**Gwybodaeth Cychwyn**

**II** [Rhl. 11](#) mewn grym ar 20.11.2012, gweler [rhl. 1](#)

**Rheolaethau a therfynau**

12.—(1) Caniateir i *CCAH* ac *CCAG* gael eu gweithgynhyrchu gan ddefnyddio'r sylweddau neu'r grwpiau o sylweddau a restrir yn [<sup>F2</sup>Atodlen 6] (rhestr o'r sylweddau a awdurdodwyd ar gyfer gweithgynhyrchu caen cellwlos atgynrchiedig) yn unig ac yn ddarostyngedig i'r cyfyngiadau a

nodir yn yr <sup>F3</sup>Atodlen honno] ond, fel rhanddirymiad, caniateir i sylweddau nad ydynt wedi eu rhestru yn <sup>F2</sup>Atodlen 6] gael eu defnyddio pan fo'r sylweddau hynny'n cael eu defnyddio naill ai—

- (a) fel lliwiau a phigmentau; neu
- (b) fel adlynyon,

ar yr amod nad oes unrhyw ôl sy'n ganfyddadwy, drwy ddull a ddilyswyd, i ddangos bod y sylweddau wedi ymfudo i mewn i fwydydd neu arnynt.

(2) Caniateir i CCAP gael ei weithgynhyrchu, cyn ei araenu, gan ddefnyddio'r sylweddau neu grwpiau o sylweddau a restrir yn <sup>F4</sup>Nhabl 1 o Atodlen 6 ac yn ddarostyngedig i'r cyfyngiadau yn y Tabl hwnnw].

(3) Caniateir i'r araen sydd i'w rhoi ar CCAP gael ei weithgynhyrchu gan ddefnyddio'r sylweddau neu'r grwpiau o sylweddau a restrir yn Atodiad I i Reoliad 10/2011 yn unig ac yn ddarostyngedig i'r cyfyngiadau yn yr Atodiad hwnnw.

(4) Rhaid i ddeunyddiau ac eitemau sydd wedi eu gwneud o CCAP gydymffurfio ag Erthygl 12 (terfyn ymfudo cyffredinol) fel y'i darllenir gydag Erthygl 17 (mynegiad o ganlyniadau'r profion ymfudo) ac Erthygl 18 (y rheolau ar gyfer asesu cydymffurfedd â'r terfynau ymfudo) o Reoliad 10/2011.

(5) Rhaid i arwynebau printiedig caen cellwlos atgynyrchiedig beidio â dod i gysylltiad â bwydydd.

(6) Yn ystod unrhyw gyfnod marchnata heblaw'r cyfnod manwerthu, rhaid i unrhyw ddeunydd neu eitem a wnaed o gaen cellwlos atgynyrchiedig, nad yw'n amlwg wedi ei fwriadu neu wedi ei bwriadu o ran ei natur i ddod i gysylltiad â bwyd, ddod gyda datganiad ysgrifenedig sydd yn ardstio ei fod neu ei bod yn cydymffurfio â'r ddeddfwriaeth sy'n gymwys iddo neu iddi.

(7) Pan fo amodau arbennig o ran defnydd wedi eu nodi, rhaid i'r deunydd neu'r eitem a wnaed o gaen cellwlos atgynyrchiedig gael ei labelu'n unol â hynny.

(8) Ni chaiff unrhyw berson roi ar y farchnad unrhyw gaen cellwlos atgynyrchiedig a weithgynhyrchwyd yn groes i ofynion paragraffau (1) i (4), neu sy'n methu â chydymffurfio â pharagraffau (5)<sup>F5</sup>... neu (7).

#### Diwygiadau Testunol

- F2** Geiriau yn rhl. 12(1) wedi eu hamnewid (31.12.2022) gan Rheoliadau Bwyd a Bwyd Anifeiliaid (Diwygiadau Amrywiol) (Cymru) (Ymadael â'r UE) 2022 (O.S. 2022/1362), rhlau. 1, **2(4)(a)(i)**
- F3** Geiriau yn rhl. 12(1) wedi eu hamnewid (31.12.2022) gan Rheoliadau Bwyd a Bwyd Anifeiliaid (Diwygiadau Amrywiol) (Cymru) (Ymadael â'r UE) 2022 (O.S. 2022/1362), rhlau. 1, **2(4)(a)(ii)**
- F4** Geiriau yn rhl. 12(2) wedi eu hamnewid (14.4.2023) gan Rheoliadau Ychwanegion Bwyd, Cyflasynnau Bwyd, a Bwydydd Newydd (Awdurdodiadau) a Bwyd a Bwyd Anifeiliaid (Diwygiadau Amrywiol) (Cymru) 2023 (O.S. 2023/343), rhlau. 1(3), 7 (ynghyd â rhl. 4)
- F5** Gair yn rhl. 12(8) wedi ei hepgor (14.9.2017) yn rhinwedd Rheoliadau Deunyddiau ac Eitemau mewn Cysylltiad â Bwyd (Cymru) (Diwygio) 2017 (O.S. 2017/832), rhlau. 1(3), **5**

#### Gwybodaeth Cychwyn

- I2** Rhl. 12 mewn grym ar 20.11.2012, gweler **rhl. 1**

**Statws**

Golwg cyfnod mewn amser fel yr oedd ar 14/04/2023.

**Newidiadau i ddeddfwriaeth:**

Ar hyn o bryd nid oes unrhyw effeithiau heb eu gweithredu yn hysbys ar gyfer y Rheoliadau Deunyddiau ac Eitemau mewn Cysylltiad â Bwyd (Cymru) 2012, RHAN 5.